



27. september 2019

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

- 1. Sinerissami angallannikkut kiffartuussinissamik isumaqatigiisummik nutarterisoqarnissaani imaatigut angallannikkut avannaani pitsannguutaasinnaasumik, qanormita Naalakkersuisut suliaqarniarpat?**
- 2. Umiarsuaaqqat nunaqarfinnut nioqqutissanik assartuutit, nioqqutissanik assartuinerup saniatigut inunnik angalanianik ilaasoqartarsinnaanerat Naalakkersuisunik periarfissatut isigineqarsinnaanerluni?**
- 3. Mittarfeqarnerup inerisaavigineqaleruttornerani, talittarfeqarnerup malinnaatinneqarnissaa Naalakkersuisut pilersaaruteqarfiginerlugu?**

(Inatsisartuni ilaasortaq Aqqalu C. Jerimiassen, Atassut)

Tunnngavilersuut:

Ukioq 2016 kingorna miserratisaanngitsumik nunatsinni angallannerput arlalitsigut unammillernarluinnartumut inississimavoq, avannaalu tassani qiviariaraanni nunaqarfinnut qulimiguulinnik angallassineq atortorissaarutininik nutarterisoqannginnerujussuata kinguneranik taartumi timmisinnaanerit killeqarluinnarluni.

Umiarsuaaqqalli pajuttaatit sarpit nuigajavillutik angalatinneqartartut (sinersortaammik umiarsualeeqqinnissaq ajornasaarunneqarnikuuallaqimmat) periarfissaasinnaannginnerisut assut paaserusunnarpoq, aqqutit unammillernareeqisut pingeriikkatsinnik atorluanaanerisinnaanerup ammaanqarsinnaanera pinerullugu.

Assersuut siulleq, Ilulissani talittafik tatorujussuarpaat, aalisakkeriviup kuutsitai talittarfiup kangerluata iluanut pulasarpit. Imarpik qulaallugu mittarfilioreernermit imaatigut nioqqutissanik pilersorneqarneq malinnaasinnaanissaa Naalakkersuisut qulakkeernikuunerpaat? Aasarissuarmi Ilulissani naatsiaaruttarnera maanna takornartaanngippat assut paaserusunnarpoq qanoq periusissiamik arlaannik peqarniarnerisooq Naalakkersuisut tungaanniik.

Kissaatigivara ullut suliffiusut qulit qaangiutinnginneranni akissuteqarfigineqarnissara.